



**НИЙСЛЭЛИЙН
БАГАНУУР ДҮҮРГИЙН ЗАСАГ ДАРГЫН
ЗАХИРАМЖ**

2023 оны 05 сарын 02 өдөр

Дугаар 4/135

Улаанбаатар хот

“Угийн бичиг хөтлөн-Удмын сангаа
хамгаалъя” болзолт уралдаан зохион
байгуулахад хөрөнгө гаргах тухай

Монгол Улсын засаг захиргаа, нутаг дэвсгэрийн нэгж, түүний удирдлагын тухай хуулийн 66 дугаар зүйлийн 66.1, Гэр бүлийн тухай хуулийн 10 дугаар зүйлийн 10.4 дэх хэсэг, Улсын Их Хурлын 2010 оны 07 дугаар сарын 15-ны өдрийн “Монгол Улсын үндэсний аюулгүй байдлын үзэл баримтлал батлах тухай” 48 дугаар тогтоол, Засгийн газрын 2007 оны 10 дугаар сарын 03-ны өдрийн “Журам шинэчлэн батлах тухай” 257 дугаар тогтоол, Сангийн сайдын 2021 оны 04 дүгээр сарын 20-ны өдрийн “Журам шинэчлэн батлах тухай” 61 дүгээр тушаалыг тус тус үндэслэн ЗАХИРАМЖЛАХ нь:

1.Дүүргийн иргэдийн эрүүл мэнд, удам угсааг хамгаалж, цус ойртолт удамшлын өвчнөөс сэргийлэн “Угийн бичиг”-ийг хөтлөх айл өрхийн тоог нэмэгдүүлэх, үндэсний түүхэн уламжлалыг сэргээх зорилгоор “Угийн бичиг хөтлөн-Удмын сангаа хамгаалъя” болзолт уралдааныг 2023 оны 05 дугаар сарын 01-ний өдрөөс 2023 оны 11 дүгээр сарын 15-ны хооронд зохион байгуулахад хөрөнгө гаргасугай.

2.Дээрх уралдааны удирдамжийг нэгдүгээр, зохион байгуулахад шаардагдах 4,130,000 (дөрвөн сая нэг зуун гучин мянга) төгрөгийг хоёрдугаар хавсралтаар тус тус баталж, холбогдох зардлаас гаргахыг Засаг даргын Тамгын газар (П.Баттүшиг)-т зөвшөөрсүгэй.

3.Уралдааныг өндөр түвшинд зохион байгуулж, удирдлага арга зүйгээр ханган ажиллахыг Засаг даргын Тамгын газрын Нийгмийн хөгжлийн хэлтэс (Г.Гэрэлмаа)-т, хамт олноо зохион байгуулж, аяны үйл ажиллагаанд идэвхтэй оролцохыг байгууллага, аж ахуйн нэгжийн удирдлагууд, өрх, иргэд олон нийтийн оролцоог хангаж ажиллахыг хороодын Засаг дарга нарт тус тус даалгасугай.


4.Захирамжийн хэрэгжилтэд хяналт тавьж ажиллахыг Засаг даргын орлогч (Б.Балжинням)-д үүрэг болгосугай.

ЗАСАГ ДАРГА

С.ДАВААСҮРЭН



Багануур дүүргийн Засаг даргын 2023
оны 05 дугаар сарын 08-ны өдрийн
4/35 дугаар захирамжийн нэгдүгээр хавсралт



УДИРДАМЖ

“Угийн бичиг хөтлөн-Удмын сангаа хамгаалъя” болзолт уралдааны тухай

Нэг.Үндэслэл:

Монгол Улсын Соёлын тухай хууль, Үндэсний аюулгүй байдлын үзэл баримтлал, Засгийн газрын 2020-2024 оны үйл ажиллагааны хөтөлбөр, нийслэл, дүүргийн Засаг даргын үйл ажиллагааны хөтөлбөрийг хэрэгжүүлэх ажлын хүрээнд Монголын ураг удмын холбоо ТББ-тай хамтран “Угийн бичиг хөтлөх” арга зүйн орон нутгийн сургагч багш бэлтгэх сургалтыг зохион байгуулж 54 байгууллагын 65 ажилтан, албан хаагчдыг хамруулсан.

Дүүргийн хэмжээнд 29680 өрхтэй боловч угийн бичиг хөтөлдөг 38 өрх байгаа нь иргэд олон нийтэд угийн бичиг хөтлөхийн ач холбогдол, удам угсааг хамгаалж, цус ойртолт удамшлын өвчнөөс сэргийлэх мэдлэг ойлголт өгч, угийн бичиг хөтөлдөг өрхийн тоог нэмэгдүүлэх зайлшгүй хэрэгцээ шаардлага байна.

Хоёр.Зорилго:

Дүүргийн иргэдийн эрүүл мэнд, удам угсааг хамгаалж, цус ойртолт удамшлын өвчнөөс сэргийлэн “Угийн бичиг”-ийг хөтлөх айл өрхийн тоог нэмэгдүүлэх, үндэсний түүхэн уламжлалыг сэргээх, харилцан сайн туршлага солилцох.

Гурав.Хамрах хүрээ:

Дүүргийн хэмжээнд үйл ажиллагаа эрхэлж буй бүх албан байгууллага, аж ахуйн нэгж, хороо, иргэд.

Дөрөв.Хугацаа: 2023.05.01-2023.11.15 хүртэл.

Тав.Шалгуур үзүүлэлт:

5.1.Уралдаанд оролцогч байгууллага, хороод:

-Удирдамжийн дагуу төлөвлөгөө, төсөв батлуулан хэрэгжүүлж, хийсэн ажлын тайланг 07, 10 дугаар сарын 15-нд, нэгдсэн тайланг 11 дүгээр сарын 15-ны дотор Засаг даргын Тамгын газрын Нийгмийн хөгжлийн хэлтэст bnd.zdtg.nhh@gmail.com цахим хаягаар ирүүлэх.

-Угийн бичиг хөтөлдөг албан хаагчдын судалгааг гаргах. (ургийн баяр хийсэн эсэх, ураг удмын номыг хэвлүүлсэн эсэх)

-Угийн бичиг хэрхэн хөтлөх талаар мэдлэг ойлголт өгөх сургалт зохион байгуулж, угийн бичиг хөтөлдөг ажилтны тоог нэмэгдүүлэх талаар төрөл бүрийн нөлөөллийн үйл ажиллагааг зохион байгуулсан байх.

-Сайн туршлагыг түгээн дэлгэрүүлэх, шинэлэг ажил зохион байгуулах.

-Уралдаан зохион байгуулах 7 сарын хугацаанд угийн бичиг хөтөлдөг албан хаагчийг нэмэгдүүлсэн эсэх талаар судалгааг гаргах. (Баримтжуулалт)

Зургаа.Уралдааныг дүгнэх, шагнал урамшуулал:


Тайланг үндэслэн ажлын хэсэг шалгаруулалтыг хийж (байгууллага, хороод тайлангаа ажлын хэсэгт танилцуулна) эцсийн дүнг гаргана.

“Угийн бичиг хөтлөн-Удмын сангаа хамгаалъя” уралдаанд идэвх санаачилгатай оролцсон байдал, ажлын үр дүн, хийсэн ажлын тайланг хугацаанд нь өгсөн байгууллага, аж ахуйн нэгж, хороог дараах байдлаар шагнаж урамшуулна.

- 1.Шилдэг хороо-1, өргөмжлөл, 500,000 төгрөг.
- 2.Шилдэг төрийн байгууллага-3, өргөмжлөл, тус бүр 500,000 төгрөг.
- 3.Шилдэг үйлдвэр, аж ахуйн газар-2, өргөмжлөл, тус бүр 500,000 төгрөг.
- 4.Шилдэг өрх-5, өргөмжлөл, тус бүр 200,000.

	Шилдэг хороо-1	2	500,000	1,000,000
	Шилдэг төрийн байгууллага-3	3	500,000	1,500,000
	Шилдэг үйлдвэр, аж ахуйн газар-2	2	500,000	1,000,000
	Шилдэг өрх-5	5	200,000	1,000,000
3	Удмын сангаа хамгаалъя	11	10,000	110,000
3	Удмын сангаа хамгаалъя	1	20,000	20,000
	Нийт дүн		4,120,000	

Багануур дүүргийн Засаг даргын 2023
оны 05 дугаар сарын 02-ны өдрийн
4/135 дугаар захирамжийн хоёрдугаар хавсралт



“Угийн бичиг хөтлөн-Удмын сангаа хамгаалъя”
болзолт уралдааны төсөв

№	Зардлын нэр		Тоо, ширхэг	Нэг бүрийн үнэ	Нийт үнэ (төгрөг)
1	Мөнгөн шагнал	Шилдэг хороо	1	500,000	500,000
		Шилдэг төрийн байгууллага	3	500,000	1,500,000
		Шилдэг үйлдвэр, аж ахуйн газар	2	500,000	1,000,000
		Шилдэг өрх	5	200,000	1,000,000
2	Жааз		11	10,000	110,000
3	Фото цаас		1	20,000	20,000
Нийт дүн				4,130,000	



1202010314